

四庫全書

集部

欽定四庫全書

午亭文編卷十七

大學士陳廷敬撰

今體詩

舊有樊川圖不知者每以杜曲相擬近以午亭山村自別石谷為予畫之

虞山粉本富陽翁老去仙人隔閭風前世畫師今在眼
依稀黃石是黃公

答王石谷且屬其作午亭烟舫小景

蓬萊下直寫平泉江練橫牕思渺然近有午亭烟舫景
煩君寫入舊樊川

午亭山莊圖詩五首

有序

酈道元水經注沁水逕午壁亭而南友人朱竹垞謂予
何不取以名其園比同在內直輒好語山水園林之勝
於是玉峰尚書為作午亭記當此時予未嘗有園也已
而家居闢山村股濂泉之水鑿池其中橫橋小舟咫尺

具烟波之勢以實竹垞之命名果有午園矣蓋予所居
樊川終累牧之城南下杜之稱思有以別之且吾居近
午壁亭沁水之涯也爰即樊川故居又名曰午亭山村
午亭之間山高水清林廬池舫幽居之跡則王君石谷
為予畫焉使玉峰而在當為更作一記他日請竹垞為
予記之夫五畝一區而為名之多如此甚矣夫吾之溺
於其名也

午壁亭名載水經秦時流水漢時亭何人更與桑欽注

一畝園中水木清

午亭人在翠微間
林際清暉自往還
砥柱析城至王屋
天教看盡好雲山

吳淞烟雨石湖春
不到江南老竟真
山水連天溪艇窄
也能作意向詩人

西湖杭潁別圖經
吳楚湖山兩洞庭
獨訝樊川同小杜

朱坡不比漢家亭

朱坡見杜岐公傳

丹青老手荆關筆
重寫天隨舊釣船
晚喚午亭還識否

世人曾擬杜樊川

司農署中題壁

署尾文書鎮一堆五花臨判日遲迴
田園正憶叢殘句

黃紙蠲租白紙催

末句見范石
湖田園雜詩

題梅桐巖真二首

畫裏江城疊嶂高北樓逸興重蕭騷
梅花山下雙羊路
秋老梧桐有鳳毛

太白仙人謝朓才都官風雅一時迴
吟成倚樹栖烏過

驄馬連朝對仗來

松風

蒲葉榴花五月天歸來一枕北窗眠誰知無價松風夢
不向人間費一錢

題張吉如南汀詩後並呈敦復宗伯卣臣翰林

浮山高望歷山城風馬雲車帝遣迎湖水清波舊時月

春來七十二峰明

吉如父諱秉文山東布政使崇禎己卯守濟南死於園中贈太常卿二夫

人投明湖以殉
皆贈一品夫人

珮環聲裏水潺湲芳草羅裙隱杜鵑一首新詩萬行淚

不須苦廢蓼莪篇

吉如生母與嫂
方夫人合墓

太傅風高未老時尚書鴈畔有清暉香名已播雞林遠
不羨他家野鶩飛

王風南雅氣雄哉騷賦張華小謝才怪底西堂新句好
也應曾夢惠連來

七夕宿城北人家亭子戲詠織女

銀浦臨波澣繡裳明霞猶似嫁時妝畫眉月姊教新嫵

掠鬢風姨送晚香天上雙星兒女態人間一日別離腸
鳳梭閒却機絲冷烏鵲頭童歲歲忙

贈銅川都憲

飲香摘藻擅西京南國訇傳茹藥聲霜簡新迴烏府重
玉壺猶映漢江清節旌裴相歸朝蚤治行吳公進秩榮
臺柏高秋森獨坐還於淡菊見交情

丁丑六月十一日奉

命題路路清廉畫扇

殿閣微涼日民巖顧念時畫圖皆善誘簪紱有良規
飲露心元潔含香氣未移年年鳳池畔

聖澤本無私

自五月廿二日直

苑中敦復尚書有詩次其韻得十首

長日東華拂軟塵眼明流水照游鱗蒼顏白髮吾曹老

冠者輸他五六人

同直
六人

斧宸丹青接後亭絳霄樓閣在滄溟

六龍南幸歸來日畫取江山上玉屏

半夜傳呼向玉津賞花往事隔前春紅雲終日籠丹地
回首凌霄記不真

舊日春遊共往回東風依約野棠開黃塵影事看清海
曾到龍王廟裏來

四捲朱簾照碧涼松風五月在羲窓眼前萬物各相命
鷓鴣駕鷺時一雙

梧桐疎雨早秋時一夜新涼幾鬢絲野草花邊溪柳路

等閒常過水仙祠

聽徹西洋五刻鐘
晚霞明鏡寫天容
池西不種新楊柳
留取青山三兩峰

秋花錦石路迢迢
銀漢無聲瀉玉霄
日暮水晶簾下坐
不知何處

御香飄

草葉孫郎墨氣清
橫斜點筆石欄晴
天人秀出華亭老

萬歲傳來燕喜聲

此首專贈樹峯以
天語褒獎書法可繼華亭

翰苑文章媿大家
枋榆影裏日西斜
歸來牢記支機石
曾附天邊博望槎

題鄒詰畫

鄒金陵人

畫裏江城夕照間
烏衣人去野花閒
六朝松石今無恙
便欲移家向蔣山

苑中次敦復韻

寶牀食罷鳳團清
絕勝仙人白石鐺
除却進書簾下語
神霄肅穆不聞聲

苑中次韻孫樹峰司成十首

鐵騎長征瀚海陰
歸來水殿倚微吟
吾

君文武起千古
方略流傳自禁林

青田舞鶴字芳林
聲在雲霄不可尋
日日朝天平步到
自憐凡鳥是仙禽

北牕午夢日初長
一枕松風自在涼
寄語陶公莫歸去
心間此地是羲皇

行近通明玉案邊
迴看下界渺雲烟
怪來諸想隨緣盡

身在清都兜率天

情多想少渺難裁身到烟霄盡處迴為問三山高幾許
瀛洲行過是蓬萊

十丈開花玉井蓮退之新句鬪芳妍他時編入歸田錄
分與樵歌牧笛傳

連朝風雨液池平天意分明為洗兵

細札十行心萬疊誰言容易見時清

夜珠明月巧難移況是江花上筆遲奏進九霄

天一笑柳陰小立不多時

狼居胥是禁園山池沼黃河水一灣萬里九邊勞

聖主苑花開日不曾還

神龍矯矯在天門紫霧彤池斗宿翻茆屋近來多氣象
篋中常有

御書存

七月二十日傳

旨網魚賜侍直諸臣是日竟不得魚恭紀

一霎蘭橈小院門傳呼中使

玉音溫金鱗網得須宣賜未賜

恩深已賜恩

書樹峰司成扇

紫髯端欲貌凌烟八翼雄風已到天自笑一生寒骨相
曉寤難起夜難眠

蚤秋苑中入直

曉行原上村不覺秋已至遙遙入清暉忽見山際寺

上元夜懷廖芸夫

曾解金龜換紫貂
中山千日醉醇醪
春城漏轉催銀箭
上苑花遲待彩毫
歌斷落梅江樹遠
坐深明月薊樓高
西窗舊事傳燈火
此夕懷人客思勞

題畫扇應

制四首

當時破敵著戎衣
隴樹連雲塞草肥
記得兩年沙磧裏
池花開日未曾歸

清池洗墨玉階隈繞硯香烟翠欲堆散作夏雲常五色
九天膏雨一時迴

香案前頭積翠鋪稻畦麥壠似枌榆兩岐九穗尋常見
應補幽風七月圖

圖書插架殿東頭天碧新晴萬象幽茗盃雍容勤夜講
山前落月上簾鉤

題李公凱學士松陰讀書圖二首

牙籤三萬軸長懸秘閣書曾借幾編正是松根勤暗誦

連朝花底索鈴傳

焚火頻年汗竹青
槐陰人在第三廳
憑君一問華陽老
多少松風夢未醒

午睡起答蓮士問疾

一枕邯鄲夢半成
依然茆店午雞聲
簿書已逐紅塵老
藥裏能禁白髮生
幾番野花開更落
頻來山鳥語多情
天涯門外息
意未了禪須動裏行

答拙菴禪人

漠漠何曾慧眼開
神州東望意遲迴
桃花未老松枝長
留取盤桓落草來

初春簡雪隲

十丈黃塵落日懸
三條陌盡寺門前
已無朝士飛騰意
曾結高僧寂寞緣
白首詩情歸半偈
紅樓人面入新年
欲尋舊約雙林去
多在鶯花二月天

送宋堅齋給諫葯洲太史扈從

南巡二首

青鎖金門侍從同

翠華春發建章宮
焚餘疏草鑾坡上
賦就梅花輦路中
行監幾回隨渭北
亡書三篋記河東
鳳池並接絲綸美
親捧流觴聖藻雄

雲霄扈蹕出流沙
畫錦歸來侍

帝車紫袋雙垂龍尾近
黃金並絡馬頭斜
九河天上春船水
二月江邊

御道花太史周南不留滯
嗟余衰鬢客京華

查聲山太史花谿垂釣寫真王石谷補圖二首

日影罽愚畫漏頻銀臺三昧惜餘春漁竿不比絲綸筆
漫擬江村水垞人

詞館於今屬盛名風流破墨付王生近來新得南唐紙
送與能書石曼卿

張慕亭林坐小照二首

昔同事
御史臺

橫榻風生對仗頻絳騶千步逐行塵年來借問藏書處
清簡留名得幾人

數行書奏九霄邊
漏斷烏啼夜未眠
敢道霜威誇獨坐
張公論事已回天

居士心情問老龐
饒他陸海與潘江
閒來試檢丹青看
風貌阮何同一雙

自了平生半偈緣
逢人脫帽有華顛
不應鳳閣鸞臺客
也學天龍一指禪

春夜觀劇蓮士有詩戲和其意

從他假面奏伊涼
休羨登筵舞袖長
六代歌風吳季子

元家詞曲蔡中郎古今過眼看遙夜神鬼臨頭坐廣場
多少榮枯誰料得與君且醉手中觴

重過呂公祠四首

枕上三生事已深夢中猶未忍抽簪仙源只在人間世
不向桃花洞裏尋

黃鶴千年更復還朝來紫氣滿燕關眼中人去無消息
誰識三山在世間

金合刀圭照夜開丹砂元不救凡胎劉郎一病秋風冷

曾啜蟠桃四顆來

回首清都客夢違
玉霄鸞鶴幾時歸
如雲六翮今飄墜
不借天風不敢飛

曉起簡雪鵬

城鷗起辭樹久客無晨眠
池閣漾寒月竹房籠曉烟
雲山催短景簪紱入殘年
懶慢吾今甚無心去問禪

酬贈于子龍秀才

多君長劍倚崆峒
况事仙人白兔公
王屋天壇青嶂裏

河陽古寨碧流中詠從洛下書生好詩是山西老將雄
欲共飛車三萬里赤松同訪趁西風

送張毅文翰林歸淮上因懷孫籙菴學士

黃葉西風落御溝楚天烟水一扁舟雲隨鴻雁蕭蕭去
月映清淮渺渺流桐柏山人獨往芙蓉江上夢三秋
更誰得似蘇門子長嘯為君遣四愁

城西晚行望西山二絕句

燕市何人共酒杯出門祇為看山來黃塵未斷殘陽暗

空走城西漫浪迴

西山隱隱夜悠悠
烟鎖西峰萬疊愁
無限客心遮不得
空隨明月上譙樓

石西崑參戎請老賦寄並懷其兄子約廣文

西涼州簿舊書生
猿臂飛騰在北平
射雁風高臨玉塞
盤鵬雲起望神京
將軍名已高三箭
都尉階還列九卿
老我燈窗人共遠
青山依約別時情

雪中下直同阮亭儼齋賦贈

星霜待曉上金坡暮雪盈階退直過色映瑣窗明玉几
光鋪仙沼落銀河六花風散披香蚤九陌春迴却月多
漫道調高還寡和萬人爭唱郢中歌

南至微雪齋居懷同直敦復近公

陽琯初回綵線微層陰連夜滿皇畿梅含綺閣花先放
柳暗龍池絮已飛省署漏隨銀燭換烟霄人向玉階歸
相思為報瑤臺客明日占雲在禁闈

朔日冬至南郊呈田綸霞李木菴兩司農

雪後晴暉滿

帝京齋宮午夜近通明陽回鳳朔周元日律應龍杓舜
玉衡五服菁茅連海外九華燈火與雲平欲因寶鼎推
神策荔子香芝歲歲生

齋所贈木菴

畫簾終日紫烟縈齋閣香爐對晚晴雲散玉繩低古署
雪融珠斗出高城八能律琯飛灰映萬卷書籤插架明
見說綸扉多勝事一門三葉嗣元成

木菴家及里
中故有三相

至日寄懷日者朱生丹岩有江南之遊

至日陽生亦快哉青春殘臘巧相催山梅欲放紅闌曉
坼柳將舒綠浪迴客有唐生長信命人非賈傳莫論才
五湖三畝揚雄宅曾問成都大隱來

送劉宗一檢討出守揚州

宗一秦中名家兄弟並在翰林

詞賦相如重漢京侍臣擁傳出承明雲霄晝散鳴珂直
淮海風迴露冕行春草西堂天上句梅花東閣隴頭情
六龍近日時巡處二月柔桑乳雉鳴

晚登慈仁寺閣懷阮亭司寇

鳳城傑閣絳霄邊
龍象高居俯逝川
雪擁晴沙三市月
春生芳草五陵烟
雙林退院鐘魚寂
終古燕山嶂塞懸
詞賦仲宣人並在
暮愁銷盡近諸天

得竹垞書卻寄

青鏡流光旅鬢疎
慙君問訊近何如
門前燕市黃壚酒
袖裏江雲白雁書
豈有勲名懸竹帛
已知人物在樵漁
灞陵柳色年年綠
送盡離人伴索居

生日示壯履

霜落天高色蔚藍縱憐風月與誰談人非毛玠清難似
自比嵇生嬾不堪徃徃長筵餘碩果年年春酒醉黃柑
金根粗識扶犁去不用牙籤萬軸函

題王瑁湖宮詹下直傳經圖二首

鳳毛池上有輝光他日歸來笏滿牀堪笑杜陵文選學
但教莫帶紫羅囊

芸香講席幾重深五桂居然玉樹林聞道一經親授與

未須同異較劉歆

寄答曹冲谷昔予出關過其家今二十餘年矣

行盡燕山塞上村海天烟霧氣常昏
邊花客醉遼西郡關月人過薊北門
一別隴梅遲驛使幾回春草憶王孫
君家舊比灤江水萬事風塵未敢論

露滑閣懷亭湖蓮士

高閣懷遠岫山牕盡日開雖無佳客至
時有白雲來簾捲海月上鏡拂江鴻回
何當共吟眺暝色獨徘徊

欽定四庫全書

卷十七

蚤春虎坊南墅憶舊遊懷徐尚書寄朱檢討

杜曲園林一水濱
舊遊風景十年頻
江山不負羊裘客
城郭誰知鶴背人
草色淡烟籠紫陌
柳條輕雨洗紅塵
劉郎前度看花在
却為愁多賦早春

憶盧龍舊遊有懷倫子受使君

猿肩虎石事悠悠
為客青春欲白頭
碣石東風生大海
薊門明月照高樓
邊關路繞車輪去
花柳村深步屨游
今日使君行部處
雲山三晉控神州

春日點翰堂即事促吳元朗為題午亭山村圖

丘壑何曾似遠林曲欄深榭幾沉吟野桃破曉紅仍淺
霜竹經寒綠故深二月風光真漫浪三春樓閣倦登臨
午亭題句如相贈好在谿山畫裏尋

清明後三日郊行贈韓慕廬少宰

春郊浩渺似天涯走馬追尋一笑譁冷節却纔過射柳
紅塵不是為看花荊州風月同今夕江左文章屬大家
紙尾陪書聊自付鬢絲蕭索墨痕斜

有感題舊草後

寥落浮生與世違，
叢殘文字校斜暉。
家臨紫陌三條路，
人閉紅塵兩版扉。
命定豈須尋季主，
說難猶自笑韓非。
篋中焚草緣何事，
忍負雲山舊釣磯。

城南張氏園讌集

藤杖芒鞋踏淺沙，
行穿犂确路橫斜。
斜綠楊纔放初晴色，
紅杏猶禁半坼花。
坐久雲深迷野鶴，
酒闌風起亂昏鴉。
山公酩酊歸來晚，
不省兒童拍手譁。

昔與孫仲禮有鶴圃唱酬詩因隨正姪寄訊

罨畫溪廊賦竹枝圃中仙鶴別多時龍兒編寫新成卷
題作劉紅唱和詩

春日新堂簡西鄰給孤寺主

西鄰喬木綠陰斜也有春生倦客家半掩雙扉來燕子
新開小徑放桃花香林佛舍明殘照粉蝶山樓挂晚霞
近日逃禪逢酒渴扣門思喫趙州茶

春日簡張壽平進士張善岐黃之學

未解參苓細與論杏林人語自春溫已知楚越分肝膽
尚有鶯花役夢魂二頃豈須謀負郭百錢聊可共開樽
城南舊是笙歌地藥裏閒時肯閉門

上元前夕宿法華寺春日有間酬三明長老索詩
之意

青山落日正逶迤況是春燈欲試時佛火長明投寺宿
冰山暫撞看兒嬉檐捎烟樹東風蚤院閉霜鐘曙色遲
一諾湯休微笑意桃花柳絮又參差

城南讌歸贈壽平

羈旅平生意相逢薊北門不知黃金館但見素山原
歸路野花落到家棲鳥喧所思燕趙士懷古尚堪論

訪戴家園留題

我愛戴顓宅春風一徑斜城中得流水幽處見桃花
古石滋青蘚高亭映晚霞王孫隨意住芳草不離家

與張澤長

與子共丘壑園林方未還谷口沁河水門前王屋山
柴

荆夾澗對桑柘交枝閒別後東臯月清光照掩關

送隨正姪落第歸

花落鶯啼送子還春光翻自惜衰顏蛾眉已老人何忌
蝸角無爭我欲閒芳草離心千里路夕陽孤影萬重山
回思華髮蕭蕭者雖在紅塵却閉關

隨正赴澧州

江漢何曾到雲山亦自便花明新月夜柳映碧雲天
家習燕人語予賡楚客篇風帆渺何許相憶洞庭船

題恒齋采菊圖二首

椒風宮閣日初長
榻到蘭亭第幾行
珍重畫師秋菊意
百花開後晚花香

瑣院垂簾隔晝陰
墨花秋卷共沉吟
今年光人澹還如菊
猶是飡英飲露心

三月八日晚出西郊宿法華寺

落霞如綺草如茵
漠漠晴川烟景新
柳陌不隨今夜月
桃花爭見一年春
到門雙樹松陰長
下榻三迴客夢頻

清梵未殘雞唱曉又驅羸馬逐流塵

雨宿苑外人家

月照深林風葉鳴曾疑夜雨弄秋晴
燈前風雨瀟瀟夜却似長楊樹裏聲

悼姜西溟

牛耳雞壇孰主盟燈檠風雨暮年情
都將阮籍窮途淚為送劉伶荷鋤行
黃土文章園草綠白頭科第榜花明
瓦全玉碎皆由命敢向詞場薄友生

晦菴論詩

儒林道學費調停
雅頌分明在六經
記得考亭詩法好
先從陶柳入門庭

伊川論道家

九流先列道家名
修養長年事可成
萬古眼前天地在
更於何處得無生

烟玉堂倩向雲澤畫壁

三間草屋槿籬寬
晏坐深知行路難
細蕊孤花連暮雨

清陰幽竹過春寒杜門謝客幸無謗
入世逢場甘少懽
謾待向平尋五岳卧遊須與畫圖看

王石谷寫午亭圖

恕先放誕虎頭癡自古高人
是畫師不用朱門新樣好
茅菴畫我看山時

冬日齋中草木

竹

時世粧成樣樣新揚州紅藥
可憐春日斜脩竹檀欒晚

誰念天寒翠袖人

梨

東南竹箭幾人栽
江舶年年秋色回
上谷紫梨霜後好
黃柑丹橘一時來

瓜蔓

荒寒繞屋朔風吹
一種青門在路岐
欲識故丘離別意
秋瓜人憶及瓜時

梅

飲水餐雪在人間獨向東風一破顏
不是百花無伴侶
孤花只合在孤山

杏

紅杏東欄雪壓枝
晴曛籠靄已迷離
對花莫被多情惱
看到成陰結子時

鐵梗海棠

狼籍妖紅照眼明
誰知霜雪鬪春晴
問君鐵柅花開早
多少丹砂點得成

棗

質如橄欖味甘良
露灑風披合得嘗
不必荔枝煩蔡譜
教人舉酒酌唐羌

送田生之易水

督亢千年畫未殘
烟雲粉本任君看
青山遠送荆卿去
不待蕭蕭易水寒

夜行贈蓮士

紅塵已逐綠驄行
夜靜街長漏點清
風動牆花過比舍

月斜堤柳向西城沙村宿雁迎人起茅店殘燈閃路明
金馬門前閒大隱不來同聽野雞聲

送阮亭大司寇予假歸二首

燕山微雨過晴色擁朱輪畫省留堂印青門待吏人王
程千里近祖道十年頻欲訪龐公去看予孰主賓

以修墓請

予假
三月

酌酒柳條下清風生綠波天涯芳草在客路夕陽多花
為將離贈鶯成緩別歌慙勤惜分手遲暮意如何

贈術士

可惜長沙傳空尋日者遊干戈渾閒事天地莫深愁閉
肆客過市跳壺人在樓若無今古恨猿臂亦封侯

郊行贈太倉崑山兩少宰

野色高梁接曙霞玉鞭人指彩虹斜紅泉雨過分流水
綠柳陰多掃落花馬上雲山空夕照樽前風月屬誰家
憑君更憶江南樂畫舫春遊泊晚沙

署中齋居用吳元朗扇上韻送黃自先守潯江兼

寄孔東塘三君皆舊同寮案

芳洲杜若笑當時賴有蘇卿是副知不習簿書來吏舍
回憐風雅在曹司扇因吳猛留仙訣人為荀公作小師
倘過魯城聊寄語絃歌休唱卷中詩

暑中語西田之勝疊韻

畫裏江城對赤霞西田春望海天斜賜湖雲擁平泉石
舊邸香深玉樹花水署相逢卿月夜午橋重問令公家
槐陰故事金坡路門戟頻年長院沙

晚晴臺憶舊遊寄朱竹垞

高臺孤迥獨遊頻
誰道天涯若比鄰
紅樹風來春色老
青山雨後夕陽新
閉門陌上三條路
倚檻樽前十丈塵
寂寂蓬蒿蔣生徑
羊求歸去見何人

送吳天章自天津歸蒲東二首

春芳今欲歇
別思轉悠哉
狗監人難遇
蛾眉老易猜
青山三晉遠
秋色九河迴
千里臨岐意
能無酒一杯

歸到中條隱
高居長薜蘿
清秋臨華岳
落日見黃河
人

物雄才老雲山間氣多玉谿終古在相並得金鷺

金鷺
天章

名齋

戲題杜上舍著色蘭二首

幽蘭空谷自天真細寫黃金綠玉勻豈是丹青工作意
學他紅粉向時人

綺蘭高絕楚騷工剩有幽芳入畫中聞道集賢多綵筆
能無風雅續蕭嵩

再疊韻酬果亭少宰見和郊行之作

奇麗澄江散綺霞自驚西日晚山斜閒雲欲傍滄浪水
野草還連鄆杜花白首多時同禁省青春幾處到山家
綠深桑柘紅橋近且聽流鶯藉淺沙

夏日對酒簡顓菴少宰兼懷幼芬

松風五月盡塵沙清晝拋殘又日斜世上若無千日酒
簾前空負一闌花習池醕酎非山簡江左風流是謝家
却笑後堂君未到更無人隔絳帷紗

微雨有懷顓菴果亭

相對忽不樂相思轉未慵
高齋過微雨暝色來疎鐘
酒易金龜換人難玉塵逢
同君寂默意吾道適何從

五月廿七日宿郊館贈主人二首

暝宿投郊館行行到水涯
晚風官道柳夕照野牆花
村近喧歸鳥川長散落霞
濁醪吾自有聊與飯胡麻
來時槐市外往路半斜暉
馬過嘶芳草人行戀翠微
山童疑久客田叟解忘機
君看茅檐燕將雛傍夕飛

出郭

出郭有新意幽情愜薜蘿綠楊聽似雨
碧草望如波牛笛吟風斷鶯梭織翠多
閒雲兼慢水相伴一高歌

對酒西山下望裂帛湖有懷廖芸夫往年同遊香

山碧雲語江山之勝兼寄雲間二子楊玉符董

閬石二首

馬簫獵平蕪烟波似有無朗吟山鬼笑爛醉野人扶
萬事依雙槳三生狎五湖煩君待漁艇未肯老樵夫

夕鳥下汀洲殘虹掛寺樓遠烟赴山翠晴雨接波流
昔

別驚蓬鬢今來憶釣舟人間詩意盡入海可同求

讀顧亭林先生日知錄是潘次耕刻于閩中者却

贈

遺文編舊錄製述繼吾徒詩樂吳公子風騷楚大夫閒
情窮海嶠清論滿江湖萬里山川路離情似昔無

答孫蔗菴

回看灞陵柳青鬢已皤然江海三千里星霜四十年曾
知新句好將與萬人傳化鶴人還在書來鴻雁邊

晚晴臺懷繆虞良

俯仰皆陳迹登臨是舊遊
高臺不頻上明月易深愁
琪樹秋應長銀河曉自流
因風問江雁幾日過長洲

王顥菴少宰屬王石谷為余畫午涯烟舫圖且贈

以詩

綠畫春山閣

綠畫少宰西田閣名

紅欄秋水橋移將三徑裏未覺

五湖遙漢壁波殘浪

午壁漢亭名午涯所緣起

吳淞剪半綃圖南鵬

萬里蜩鷺想扶搖

憶舊寄繆虞良

舊日同遊處西窗暗網塵
阮家麕飯久萊子綵衣新
昔送之官客今思解組人
共知捧檄意失喜為慈親

疊兩少宰見和韻二首

余夙有江南之思二公皆吳人故托興乃爾

平生湖海意飛動不曾慵
千里吳洲月長江建業鐘
烟波定相訪鸞鶴偶然逢
正想雲亭字先須載酒從

藻鑑今焉用文書祇自慵
無言溫室樹每過夕陽鐘
汗漫期何處淹留惜易逢
舊遊東郭子又得二年從

用莊子一

年而野二年而從茲與
太倉公又同事二年矣

酬周鐵門贈詩即送之之官

紅雲曉近海綠烟春滿畿
送君宰赤縣柳絮飄行衣
燕市酒鑪滿漁陽桑葉稀
幽蘭在脩坂及爾同芳菲

夏夜過潛齋示壯履

閉門來月砌散帙坐風簷
鳥宿新移樹螢流夜捲簾
辭多蒙向秀夢欲謝江淹
文史成漂泊潛夫畢竟潛

題庭前合歡花懷杜遇徐

往年曾贈
花葉釀酒

綠細分朝靄紅輕暈早霞本無蠲忿意况有合歡花舒
卷時常定陰晴亦未差美人曾折贈零落惜年華

題朱悔人京華藁

榮華寂寞在斯須一卷新詩酒滿壺君看昭王舊臺館
至今秋草不曾無

午睡起為人書道德經二首

歸去青牛更莫論怪他紫氣在關門五千言費三錢筆
盡寫何曾有一言

卯酒昏昏問谷神
午牕風竹影移頻
不須更借邯鄲枕
已是華山睡裏人

重陽前一日招悔人卓崖元朗亮工家子文

秋社纔遊未隔旬
籬邊風物又催人
有涯早識吾生老
多事還憐野菊新
天外孤鴻偏過眼
鏡中雙鬢已傷神
明朝欲赴登高約
拚擋樽前放浪身

常道士山房水石清供

水石清秋淨法筵
人間自有一山川
雖然雲樹參差影

看盡空明四界天

圓通院有贈

縹緲紅樓原上村西來飛錫駐前軒
橋迴流水供侵案木落清風為掃門
按劍恐因驚白壁繫珠今已照黃昏
百年耆宿三生舊初地新從萬事論

冬日早卧示與可

踏盡秋街落葉霜歸來枕肘卧斜陽
燈花早已看重結香篆微銷耐許長
節後菊黃多晚景年殘髮白赴流光

睡餘翻覆連牀被，又是槐根夢一場。

寄懷王大宗伯吳廬金陵五首


後湖真並鏡湖論，一曲烟波是異恩。
試看東山相對出，城南元有謝公墩。

玉樹庭前春又歸，過江門第世應稀。
到時芳草橋邊路，正及烏衣燕子飛。

離騷讀罷意何如，楚客頻年賦卜居。
千里長江建業水，東流兼得武昌魚。

結綺臨春事已休
輕烟淡粉對荒丘
憑君收入人天偈
樓子因緣在上頭

摩詰流傳秀句香
冶城風景輞川莊
江山盡裏移家住
秋色依然華子岡



午亭文編卷十七

欽定四庫全書

集部

午亭文編卷十八

詳校官庶吉士臣汪彥博

助教臣常循覆勘

總校官庶吉士臣倉聖脉

校對官中書臣牛稔文

謄錄監生臣袁繼升

欽定四庫全書

千亭文編卷十八

大學士陳廷敬撰

今體詩

聖德

萬壽詩

十二首

奉符運啟

帝圖昌遠識流虹繞電祥

鳳歷紀元天並永

龍飛當午日初長
仙桃結子春三月
御柳垂條歲萬行
正是艷陽逢

聖節紅雲高捧玉
鑪香

日暖花朝紫禁林
風迴青鑠漏沉沉
萬幾宵旰三天事
四海昇平五夜心
雨露

恩流金闕外桑麻
春長玉階陰億年
齊上無疆祝總為
憂勤卅載深

聖質

天齋凝寶命神霄地迥照人寰
山河環拱衆愚上日月
高臨滌火間八表驩聲歌

帝則萬年春色駐

龍顏黃圖開拓要荒外
綦遠何須閉玉關

講席經函列

御筵淵源盡闡魯庭傳文成偉論高謨典詩就新篇達
性天載詠光華同舜旦深明歷象定堯年仰觀俯察鳶

魚妙道契羲皇一畫前

丹地金鋪淑景新綺疏明淨對花茵

九重清晏心無事萬卷詩書筆有神璀璨

宸章懸斗極龍鸞

聖藻麗星辰六文八法流傳盛光被誰能比

一人

龍文五色護瑤箋拜賜

恩華白日邊開處春風彌宇宙捧來瑞氣出山川香含

月樹枝枝秀朗照驪珠顆顆圓琬琰恭撫垂寶榻惟南
同壽永留傳

神威征伐久旋師灌燧銷烽正此時一自三迴臨朔漠
遂令萬禩靖邊陲玉鞭畫舉靈泉出金甲宵明
御寢遲北斗天南回望處於今中外盡雍熙

節儉

皇家邁昔王

聖心原為恤農桑止須制用供天府直使流膏徧下方

疊見金錢蠲百萬還思玉粒自倉箱陽和到處人歡樂
春日春隨日正長

耕織新詩出上闌情殷稼穡詠艱難

恩添瀛海波瀾潤人到中天歲月寬繡壤風輕飛玉燕
瑤池水暖浴青鸞吳綃並寫來王會若木流沙總真安
黼座慈雲下碧空普天人在太和中祥刑德與唐虞並
育物心將造化同丹鳳

九重銜赦草金雞一夕報春風遐荒盡是康衢地處處

謳歌達

帝聰

荷鋤倚杖野農情每聽

音車為省耕瑞日早迎仙蹕上彩雲時傍翠旂生華封
人進三多祝嵩嶺神傳萬歲聲江北江南長望

幸五年今得見巡行

虞廷威鳳喜來儀麟趾文祥福履綏曠代光榮逾鎬飲
萬年祝頌叶豳詩春雲瑞雪迎三正甘雨和風順四時

仰荷栽培同寸草

恩深湛露近彤墀

皇子練鵲桂花畫扇

櫻鳥多歡帶鳥仁秋林練鵲氣含春相隨阿閣丹霄地
彩鳳時時欲近人

一度秋風一度開仙姿信是不凡才天香何事盈懷袖
為是時常月殿來

題杜子樊川雲水怡情圖

朱坡綠水故依然小杜香名到處傳我欲遠尋無字却

當時枉自號樊川

余所居一名樊川
亦曾因以為別字

恭和

御製為考試歎應

制

聖謨重廉介雅化已新更豈獨司文吏能容黷貨聲人
才闕國是教養本

皇情上體公明訓無私便有名

寄僧定空

喚作定空空定否有名爭得似無名
空元自定何須定只是空從定後生

過法華寺懷三明長老

法華名最美此義暢宗風實相人
猶在宗門事不空柳條春自綠花
盡曉逾紅咫尺雙林地雲山處處通

久不見呂公連有噩夢詩以問之

金盆月落屋梁邊塵尾多時破壁懸
厭寐也曾施梵咒

夢魂從不離初禪正思柏子三生樹無那桃花二月天
萬事匆匆頭白盡幾迴安穩曉窓眠

重過萬佛寺

竹院還誰在山門重可尋日斜清梵放風定落花深欲
解無師智難忘有行心真空能幾許却費萬黃金

夜宿野亭晤桐城相公話舊有作

野宿林亭意惘然風光依約似當年相過步屨將殘夜
怕說江湖未泊船杏子生仁留燕乳柳花著眼對人眠

槐根不比松風夢莫遣春陰過八磚

法華寺書壁

塵網重重暗却灰一時心目頓能開
曾知夙世因緣事看取蓮華妙法來

畫眉

綠樹陰多映畫簾雕籠食宿好相兼
勸君莫倚能言語人在春窓正黑甜

題初祖折蘆圖

廓然無聖語天然面壁還須到九年老我白頭聞道晚
息機應在十年前

題大士像

救苦尋聲是大悲有情覺盡佛因遲浮生衆苦多難達
應是從間入定時

題文殊像

稽首堂堂七佛師定中女子出來遲如何七尺鬚眉客
一世曾無一定時

賜連瓶折枝牡丹四首

癸未三月廿六日

八方風雨長靈芽
朵朵紅雲散綵霞
天意未曾私一物
上陽花勝洛陽花

樂天三度見花開
曾惜花開老暗催
廿載芸香香案吏
白頭驚捧

賜花回

猩紅魏紫總天香
蘭佩還宜辟荔裳
歸去輕紗籠暖日

潛溪緋觀御袍黃

潛溪緋亦牡丹名也
賜花有淡綠微黃一種

玉版檀心故晚開
膽瓶渾送倚雲裁
更教分與甘泉水
全戴深枝雨露來

野亭作二首

琉璃為地自然平
何處金繩界道行
岸草林花高下態
渚蒲水荇短長情
莊生齊物馬知物
老氏無名却有名
苦為折腰辭手版
誰言寵辱不須驚

雲樹連天見北平
幽人自此樂郊行
已無綠鬢渾閒事
只為青山亦有情
老馬為駒還識路
野花結子不知名

歸來睡覺斜陽晚，抖擻黃塵莽自驚。

曉行二首

曉行青山中，白露方未晞。此景豈不佳，荆棘牽人衣。
荆棘雖離離，出險殊不惡。回看幽蘭花，無人自開落。

浴罷戲題二首

不垢復不淨，寶珠何由生。盈盈浴盤水，清斯濯吾纓。
豈因學道力，陡覺生清涼。灑然無熱惱，身有旃檀香。

四月三日出城送客因以自喻

戴笠乘車有舊盟相逢相送廿年情
踏殘草色路長在
折斷柳條人未行
旅興不隨春日盡
野心還傍夏雲生
玉瓶沽酒旗亭醉
古寺斜陽卧似醒

四月十一日夢中吳四默巖語金丹事因口占贈
吳覺而記之

桑葉桃花幾度春
海山歸路渺難真
憑君細屬長生訣
火宅何須久住身

題王方若龍竿集

客散茶香鶯語頻
聞披秋卷惜餘春
腐儒衰晚思同調
為想風流第一人

獨酌郊樹下懷韓山

穿花踏月有誰忙
為送東風倒一觴
綠草成茵榆莢小
紅英掃地柳條長
古祠賽雨人皆醉
平壠眠雲麥半黃
惆悵田園西日外
年年春色老漁陽

過法華寺不果題野亭壁

喚起窓前幽鳥飛
冶遊心事未全違
三生影事輸閒客

四觀華嚴落鈿機
山雨曉晴開紫翠
野花春盡接芳菲
倦尋古寺湖邊路
垂柳陰陰信馬歸

獨酌二首

三杯四杯濁酒
一句兩句閒詩
樹上落花結子
竹間新筍成枝

落日去如過客
清風來似故人
竹葉滿浮綠
釀梨花勤買青春

閣中紀

恩詩

內署恩深歲月長
白麻宣出意徬徨
名銜人愧文淵字
衰晚身驚政事堂
門館無私因

主聖絲綸有喜為
時康閣前五刻趨
宮漏常見宵衣
侍未央

五月九日

賜御書金畫扇

御製麥秋盈野志喜詩恭紀四首

宮扇親題

御藻雄麁光雲淨曉浮空黃琉璃遍清涼境盡是披香
殿上風

桑綠柔枝輦道傍麥歧兩兩古漁陽五絃彈出中聲裏
散作薰風滿

帝鄉

冀階蒲萐長堯厨自有天文麗寶符底事

恩光滿懷袖驚看一字一驪珠

九華寶扇五雲端殿閣微涼暑未殘縱使感
恩秋篋裏冰心還映玉壺寒

恭和

御製麥秋盈野志喜詩元韻應制

清和時節見豐年麥隴盈祥氣候全並是兩岐兼九穗
不論南陌與東阡三秋民樂同豳雅五色天文上
御箋常記占星看礎潤夜深行遍玉階甃

五月十二日

賜觀

御製南巡詩卷恭紀二十韻

鳳紀天長久龍飛日正中萬年三月歷九叙兩河功典
禮虞巡重江山禹甸雄

帝歌垂睿想民俗入王風翕闢乾坤大鑪錘造化同詞
源方浩瀚元氣益冲融丹笈迴雲篆滄溟散彩虹壁連
還縹緲珠綴自玲瓏香影瑤編動鉛分寶字工鶯花供
御添雨雪志年豐玉律飄陽管金聲韻嶧桐衢謠歡故

老蒼舞走兒童

恩與留題遍榮逾錫命崇道因神理貴物感至和通謨
烈超千古文章達四聰祥烟盈卷帙瑞色滿書筒雅頌
恢

皇統英華發

聖衷石渠春漱灩藜火曉瞳矐高厚思隆遇迂踈愧匪
躬併將颺拜意稽首祝蒼穹

史局得韓山書却寄

行屋千峯萬嶺分西來蒼翠入斜曛幾場春夢繡殘史
一片閒心寄野雲見說故人方縱酒傳來新句最能文
寒窓燈火平生語除却君知世不聞

答元朗

松風草閣晚晴寒不道炎蒸暑未殘呼酒敢嫌新吏舍
門鄰酒鹽愛詩長憶舊郎官人傳代北馮唐問書畏江東子
布看惠我瑤華滿奩篋依然畫省握香蘭

六歲來自武昌

朝來乾鵲噪庭除
池草春生慰索居
車馬到門千里外
光陰彈指五年餘
曾於簿領知為政
只見山川勝讀書
說著江湖人已老
扁舟來往子能如

聞聲山墜馬傷手戲贈

朱書腕後術誰工
在手鉤文惜仲弓
解道風流羊叔子
也應騎馬至三公

六箴將別余方有校勘文字之役相對匆匆悵然
再疊前韻

湖海元龍氣已除寂寥誰伴子雲居
松風夢破驚窓曙
藜火燒殘似歲餘多事不成臨別酒
無聊卻望遠來書
流光努力君年富冉冉雙鬢我不如

恭和

聖製裕親王輓詩二章謹依陽青元韻

天德敷同氣巍巍雲漢章流芳傳

睿藻樂善惜賢王桐葉飄踈翠棠花落晚香情深

親灑翰雨泣迸成行

內殿思前事

皇心記幼齡步趨同問寢講誦舊傳經視樂調金已移
鑒隔絳屏親賢加典禮編簡萬年青

冬日襍詩十首

金絲牆屋久荒涼過魯曾知漢道昌惆悵黃龍歸不得

少牢祠裏祀舒王

宋史

壁月瓊花事事休胭脂痕斷井欄秋三百年中四十帝

青山如舊枕江流

金陵

陡泉泉出洞渦水驛印如今最謬訛不比成臯爭點畫

十州鐵鑄作同戈

同戈驛本洞
渦同戈訛也

南食何當寄老饕越舠楚舫與吳艚天寒雨雪炊烟冷

誰是燕人左伯桃

午食

非關偏聽與佯聾黃落經時問朔風近得楞嚴觀葉意

耳門圓照十方空

耳病
忽瘳

出網銀刀曉市門歸來午食已黃昏魚飧豈是貧家物

咬斷新蘆舊菜根

家人餉以
銀魚却之

九十六劫如俳諧學他璫瑁嶺南齋辟支一食真難施
散訝吾無一日佳

近清齋
百日

三千沙界了無蹤影事前塵破幾重我本無生元不滅
當時何苦護紗籠

晷畫廊前兩樹梅看花人自故鄉來未開紅蕊開時白
道是先生手自栽

深紅淺白蓼芽新欲試春盤待曉春坐斷五辛三種菜
年來轉覺庾郎貧

晝睡謝客

日斜窓影半寒筠，却有踈梅欲放春。
掩卷已沾名句味，攤牀未了睡眠因。
選圖枕畔華胥夢，罷酒樽前見在身。
為謝九衢車馬客，黑甜何苦換紅塵。

范彪西索題

車駕西巡寵遇詩二首

舜狩仍千里，堯文已六經。
山林垂

顧問雲鶴想儀形，灑翰超飛白。
留題照汗青，歸來屬車

上猶指少微星

大隱非丘壑斯人應客星行藏殊捧檄勲業為傳經有道人師表中郎世典型銜來丹鳳字雲氣護山庭

甲申正月十五日

上命撤所御宴

賜_臣廷敬

諭_臣子壯履恭傳

恩旨頒送到_臣恭紀四首

吾

君儉德到傳柑一宴年光四十三

上自御極元夜賜宴廷臣者一蓋康

熙二十二年也今日全家沾

賜渥不同歸遺與分甘

蕭蕭華髮入青春惶恐

君恩說老臣最是九衢燈火夜驚傳天使便寧親

藜火銀花接禁庭天邊

玉旨下青冥紫微垣裏親傳與敢道臣家有聚星

溫飽當年未敢論
蘼鹽相伴久承

恩寒庀那識金盤味
指點先嘗玉箸痕

久不得舍弟素心書聞去冬已歸自武安今忽復

春且深矣惘然有作

關河霜雪賦歸與
又值風光二月初
竟日不成春夢句
隔年空憶雁行書
閒門柳色開荒徑
流水桃花到舊廬
應識在家貧亦好
信音迢遞渺愁予

青鳥

不敢求桃核開花今幾春那無青鳥使相慰白頭人西
日瑤池遠東風紫竹新普陀炎海路萬古不揚塵

賦得心清間妙香

南華近在贊公房一水曹溪接混茫曲逕行隨花氣遠
畫簾相對篆烟長曼陀雨遍諸天會薝蔔春深選佛場
解道音間清淨地色空空色本無香

野亭望西山有懷

擔囊蠟屐鎮相從便欲登臨策短筇野逕春歸三宿樹

石門雲散午時鐘金盃接語青山晚玉斧尋真翠壑重
彈指十年禪榻畔道人行脚恐無蹤

經筵紀事四首時三月二日也

牙籤一卷幾迴開近日新綸忝竊陪好與詞林傳故事

白頭丹地講書來

經筵自昔屢
命臣進講及拜內閣新命仍兼

經筵
講官

尚書水部無雙譽宮尹承華絕異才羸得頭銜渾似舊

押班春殿許徘徊

是日華亭尚書
海寧官廨進講

石渠虎觀列經帷同異諸儒奏對時題目分明經

睿斷

聖人書是聖人知

進講足食足兵節時亮天工節皆上所親定

蘭珍別

賜常餐外榆火新溫上已前衰老蒙

恩憐一飯歌衢正好在堯天

是日撤御饌賜臣且命膳人謂臣

在講席進時重熱與食聖恩至矣而臣衰老將比於康衢之野人云

宿野亭遲京江沁州二公

子夜文書午漏聲先驅駕馬出重城花邊風蝶閒來往
柳外沙鷗解送迎綠水紅橋春似舊青山黃閣事相并
邯鄲一枕華胥夢不覺晨鐘報五更

與李公凱兼呈徐果亭

蒲柳先秋露葉零碧天落落見晨星與君同甲鬚偏白
相對無言眼自青淮海至今歸大海午亭元是一長亭
樽前張丈殷兄在強欲相呼一笑聽

公凱長予三月果亭亦長予數歲

閤中與曹蓼懷學士

未報

深恩敢乞身一年相對已前塵窮通總惜朱顏老館閣
常逢綠鬢新舊事幾迴蓮燭夜君家並有竹林人柳吟

花醉輪閒客日日銅扉共曉春

昔與學士世父顧菴先生同在翰林

旅宿懷梅莊

旅宿天無際平沙樹接低夜深還過雁野曠少鳴鷄風
雨人何處雲山夢不迷一條春草路直到太行西

和趙秋谷觀海詩二首

求詩入海氣崢嶸却卷波濶見老成香土踏殘才思盡
當時我亦一狂生

晨朝騎鶴暮行雲洞府仙官太有情只恐未忘人我相
海山畢竟讓無生

野亭懷內直諸公

周廬野館共裴裊網戶疏窓面面開過眼春隨飛絮去
遨頭人及落花來隔林好鳥如相喚出岫閒雲亦未迴
清晝玉泉添漏水此中三昧即銀臺

半飽居士詩

有序

喬公子德輿來京師久客逆旅予勸之歸喬云吾無
以自活予曰子幸有先人之田廬在吾居於此嘗記
陸魯望語忍飢誦書率嘗半飽此亦處貧之一法公
子便以語侵予天下豈有餓死宰相耶子笑而不答
門人竊呼予半飽居士予生方曼性嗜酒聞予之告
客者因止酒不飲恐傷其意作半飽居士勸酒詩

大庖珍食也曾經晏進藜羹戶早扃我自長貧甘半飽

君因皆醉恠偏醒豈堪白粥妝金谷恰有青銅挂玉瓶
燕市黃公鑪正好酒帘門外即旗亭

甲申七夕二首

想多情少一身輕

想多情少
出楞嚴經

我願無生恨有生此夕果

然牛女會生天也恐是多情

不見牽牛織女星銀河水長色冥冥憑君奏乞通明殿
灑作人間細雨零

書豫朋焚南集

七年燕北別卅卷
楚南詩小吏才難盡
高天命不疑謝
家真客子杜老好男兒
却笑陶彭澤賢愚較
菊籬

題孫湘南片石集

五字文章萬古情
吳江隴首舊知名
嵩峯華岳黃河水
如子雄才是兩京

瀘水春生大渡河
塞山飛起遠嵯峨
書生自有封侯相
留得征蠻塞上歌

拈朱子句恭擬應

制詩賦得霽月光風更別傳

五星東井事依然
洄溯濂溪接後先
一自圖書尋有緒
頓令風月浩無邊
勳華在昔三千載
闕洛于今五百年
學統此時符

帝統斯文端是聖人傳

衰老

太平好時節
衰老意多違
身世何飄泊
人天有是非

法華

經不依止
人天而住
孤鴻還自去
乳燕各分飛
物理真難問
吾生

安所歸

青藤館稍葺落成有懷芸夫

城裏一山家
籬疎晚噪鴉
水含林際月
苔隱石間花
人與青藤老
門留白版斜
故人猶記否
燈火十年賒

真箇似童兒
埋盆作小池
雖無沙鳥過
已有樹禽知
素髮垂新領
紅桃長舊枝
恐君相憶處
不是昔游時

送徐果亭還崑山

戀闕丹心皓
首時掉頭
無那故山期
洞庭蝦菜催迴櫂

阿閣鸞凰返舊枝黃紙箱邊同啟事
紫薇花下對吟詩
饒君獨占江湖勝蒲雨菰烟惱夢思

答王生

故人之子王并州問我新詩紀
舊遊浪跡仙人多愛酒
青蓮曾贈董糟丘

北墅和壁間韻

麥寒經雨綠葉老受霜紅
客舍青門裏離居又客中

霜鐘疊韻

霜鐘來不近披拂曙燈紅多少繁華夢銷沉向此中

再疊前韻二首

庭樹雞鳴早平沙夜火紅不須爭起舞吾已老窠中
疎鬢霜同白衰顏酒暫紅心灰兼耳冷猶在客塵中

檢放翁詩二首

青山黃閣眼迷離文字叢殘晚歲時拂面冷風霜滿鬢
何因檢到放翁詩

殘年飽飯細吟詩一笑生涯老自知不識鱸魚蓴菜好

欽定四庫全書

卷十八

多因連展與黎祁

故翁自注淮人謂麥餌為連展蜀人呼豆腐為黎祁

御書春帖子恭紀

神書日貴通明殿春帖先題供奉班人喜王正逢

聖藻兒驚

天筆憶

龍顏

臣子豫朋將之耀州任

門前豈敢懸雙壁楹際真同被兩間

捧向茅堂常北面年年椒頌祝南山

賜硃石硯恭紀

王氣留京奕葉隆
五丁遺石自鴻濛
削成寶硯天開闢
製出文思

帝化工玉几依光加洗濯清班分

賜並磨礪承

恩真比丘山重歲歲三呼

萬歲嵩

賜貂裘恭紀

金貂溫點待朝元
輕暖還教被

異恩就日未知仙珮重因風偏覺

御香溫親承

綸語量長短

諭旨云此東朕所親服汝軀體較小可覓良工畧為裁製務令稱身

儘著餘

年付子孫忝竊一門兼

再錫微才敢向鳳池論

臣子壯履並蒙恩賜

賜人參恭紀

賜觀植本幾人存五葉三楹記細論

戊午臣廷敬同臣英臣士正臣士奇

臣杜訥蒙恩賜觀人參植本

筋力已衰逢大藥生成難報是

皇恩未隨芝草和金七先映椒花上玉樽

除夕並賜工尊食物

甚曾說紫團間父老新傳盛事到山村

舊傳上黨有紫團家今不可復

賜玻璃器大小十四恭紀

春冰未泮玉敲堅

賜出玻璃世罕傳虛白貯來皆萬象清微攜得自三天

如遊佛國琉璃界不費公家帑藏錢

諭旨云此皆出工入贏餘非用錢糧

所製故以賜卿等

歸路彩雲先滿舍盈瓶處處日華圓

御書大福字恭紀

維

皇錫福徧烝民

天濤親題到老臣
今歲預知明歲喜
萬家先占一家春
仰瞻紅日長如畫
若比驪珠大似輪
億載光華歌復旦
溥將壽域轉洪鈞

臣詩疊蒙

聖恩獎賞每聆

天語感激之下涕淚零落累日愧悚恭紀以詩

衰鈍何堪感

至尊頻蒙激賞是

殊恩拋殘綺語文馬用老罷丹心事可論一飯不忘如
杜甫平生無憾勝虞翻傳聞多恐遺青史留取新詩示
子孫

六日祈穀前一日雪

同雲近接朶雲邊歌饗深知

睿意度未轉條風先獻歲

十一日立春

猶行臘雪兆豐年金

甌卜歷過千閏

是歲閏月

玉琯吹花到八埏扈

帝仙官多鶴駕騎來銀闕羽毛鮮

覓輿從不得偶作

跳浪羣兒自簸顛如山兩足步難前路長欺我太無力
回首沙堤亦枉然

正月十三夜同與可語梅莊山居之勝

雲裏山家咫尺間踏青未了試燈還百年吾是今春老

一歲人能幾日間亦有王城深似海誰知身患重如山

老子云吾之有患為吾有身

梅莊北畔桃坡路前後東風總一般

午亭文編卷十八